

# Steinersdorfer - Rud

Rudenkirtag Sierning Faschingdienstag 21.02.2023



<p>Ja, in Siang is goa net ohne, de Beruhigungs-Zone, de nu da Kalchmoar eingeführt hat. Mauserl-stad is – ewig schod! Gmeinde-Hackler siacht ma kani! Rauschert net van Schrefler Mandi, ab und zua a Bau-Wag'n durch, hebert's neahmd mehr aus de Schuach!</p>	<p>Liabe Leit jez kinnts moi rodn, den Naum vo da Nächsten, aun ihre Totn, probiert jeds Joa, zum Augsunga wean, imma duats, aundre mehr malean. Aum Herbstlandler hod sis verhobt, hod uns ihr Geheimnis gsogt. Woa schau in Dubai und de Emirate, d'Schreckseis Renate, die Granate.</p>
<p>Seit 35 Joa is er im Amt, weit über de Grenzen hinaus bekaunnt. Sei neiches Amt, jez a umfasst, dass er is, a Ehrengast. Bei da Fuaßbolla Weihnochtsfeia, im Stüberl draußt, oweia. Gfeiert in Weiamoa Sepp, Konsulent, hod er beim Hack in da Goststum pennt.</p>	<p>Jo in Hüban, klofft a Loch, ned gaunz fertig is Musidoch. Goabeit wiad im Akkord, da Rohbau steht sofort. Beim Musisaummin haums mehr trunga, zwenig Göd is zaumkumma. D'Musi nimmt mit offenen Händen, entgegen eire Züaigispenden</p>
<p>In Schiedlberg, haumms heia gjogt, plötzlich woans, olle vazogt. Es is a Treiba ogaunga, ned so tragisch, wan weidagaunga. Wias gheat haum, wer sie vairrt, es woa da Bua, vom Hiasmoawirt. Wärns hoamkemma, ohne Buben, deafans nimma ind Goststuben.</p>	<p>Jo des Corona, is a Scheiß, die Politik zoit a, ihrn Preis. Schaun olle aus, recht ausgschundn, vo de gaunzn, Überstundn. Ba de Sitzungen, gibts oft Ärger, do miasns durch, Stöza, Hügisberger. Da Kirta, ogsogt, so a Plog, jetzt sans gstoam, um freie Tog.</p>
<p>Jo es gibt koan Rabatt, teia is a jedes Watt. Da kloane Bürger, der muas spoan, während aundre d'Beleichtung hochfoan. Jo d'Inflation dan se ned gspian, weis bei da EZB vü Zinsn griang. Zoin dans mia de oamen Mauna, D'Beleichtung vo da RAIKA denen Gauna.</p>	<p>In Hüban haums ned schlecht, a neiches, Adelsgechlecht. Auf den Tempel, haums ka Frog, gstöt a riesen PV-Anlog. Olle Einwohner vo Hilbern, zum Sonnentempel jetzt hinpilgern. A unsa oans, wa glei bankrott, ned da Eisnhuaba, Sonnengott!</p>
<p>Nobel wohnen is gscheid teia, denkt si de Helga Dietachmeier. Schaut im Netz, den kenn i eh a, da Glosara, Franz Schaumberga. Grias di Franz, kennst mi eh, a Glos fia Dusch, des wa sche. Bei da Montage, so a Trubel, Im Glogschäft gibts a Namensdouble.</p>	<p>In da Nocht gibt a Gas, Fuxjagan mocht erm Spaß. Mit Wärmebüd und co, siacht a ois sowieso. Am Hoizhaufa a hella Fleck, hods schau krocht, so is Recht. Hod gmoad es, is a Mader, Hannes Plass, Rotznjaga!</p>